



Broj: Interno-6/23
Zenica, 14.09.2023.godine

Na osnovu člana 28. Zakona o izvršenju Budžeta Zeničko – dobojskog kantona za 2023.godinu („Službene novine Zeničko – dobojskog kantona“ broj :), Programa utroška budžetskih sredstava i plana korištenja sredstava posebne naknade za 2023.godinu broj: 16-11-2039/23 od 30.03.2023.godine direktor Kantonalne uprave civilne zaštite Zeničko – dobojskog kantona raspisuje:

JAVNI POZIV

Za dodjelu sredstava iz oblasti vatrogastva za projekte dobrovoljnih vatrogasnih društava i Vatrogasnog saveza Zeničko -dobojskog kantona

I PREDMET JAVNOG POZIVA

Predmet javnog poziva je finasiranje projekata dobrovoljnih vatrogasnih društava (u daljem tekstu DVD) i Vatrogasnog saveza Zeničko – dobojskog kantona iz oblasti vatrogastva u skladu sa Zakonom o zaštiti od požara i vatrogastvu („Službene novine Federacije BiH“ broj: 30/09 i Zakonom o zaštiti od požara i vatrogastvu („Službene novine Zeničko – dobojskog kantona“ broj: 05/11, od 22.04.2023.godine.

II USLOVI UČEŠĆA

Pravo učešća

Pravo učešća na javnom pozivu imaju DVD sa područja Zeničko – dobojskog kantona i Vatrogasni savez Zeničko – dobojskog kantona.

Finansijska sredstva

Maksimalna vrijednost finasiranja u okviru ovog javnog poziva po svim projektima/zahjevima/inicijativama iznosi 60.000 KM.

Maksimalan iznos sredstava koji se može dodjeliti za jedan projekat je 6.000 KM.

Broj prijavljenih zahtjeva

Jedan podnositelj zahtjeva može dostaviti samo jedan zahtjev u okviru ovog javnog poziva.

Opći kriteriji

Za dodjelu sredstava za projekte iz oblasti vatrogastva primjenjuju se sledeći kriteriji:

- a) Da je upisano u Registar udruženja
- b) Da je proglašeno službom spašavanja i da ima formiranu vatrogasnu jedincu u skladu sa planom zaštite od požara
- c) Da je registrovan kao porezni obveznik
- d) Da je izmirilo obaveze po osnovu poreza i doprinosa

*Napomena: Kriterij pod rednim brojem **b)** se ne odnosi na Vatrogasni savez Zeničko – dobojskog kantona.*

Posebni kriteriji

- a) U sklopu jednog projekta/zahtjeva samo jedan program - 5 bodova
- b) U sklopu jednog projekta/zahtjeva dva programa - 10 bodova
- c) U sklopu jednog programa/zahtjeva tri i više programa – 15 bodova
- d) Vlastito učeće u projektu 50% i više - 20 bodova

Napomena: Program podrazumjeva: oprema, obuka, vježba, itd...

Dokumentacija koja se treba dostaviti prilikom prijave projekata

Prijava za dodjelu sredstava podnosi se na posebnom prijavnom obrascu – projektnom prijedlogu koji se preuzima sa web stranice Uprave www.cz.zdk.ba, ovjerenom i potpisanom od strane odgovorne osobe i koji mora sadržavati:

- a) Informacije o podnosiocu projekta (naziv aplikanta, odgovorna osoba, kontakt osoba za realizaciju projekta)
- b) Naziv projekta
- c) Opis projekta
- d) Ukupan budžet projekta i izvore finansiranja
- e) Očekivane rezultate
- f) Učesnici u realizaciji projekta
- g) Detalje o sufinansiranju
- h) Instrukcije za uplatu sredstava

Uz prijavu (projektni prijedlog) podnosioci su dužni dostaviti sledeću dokumentaciju kojom dojavuju ispunjavanje uslova (u originalu ili ovjerenom kopiji – ovjera ne smije biti starija od 3 meseca):

- a) Rješenje o upisu u Registar udruženja
- b) Uvjerenje o izmirenim obavezama po osnovu poreza i doprinosa
- c) Dokaz o raspolaganju vlastitih sredstava, odnosno izvod o stanju sredstava na transakcijskom računu društva, za one koji učestvuju vlastitim sredstvima u projektu

Kriteriji isključenja

Neće se uzeti u daljnje razmatranje prijave aplikanta dostavljene po javnom pozivu:

- a) Koje su neblagovremene (dostavljene nakon proteka roka određenog javnim pozivom)
- b) Koje ne sadrže kompletnu dokumentaciju koja se traži javnim pozivom
- c) Koje svoj projektni prijedlog ne dostave u zatvorenoj koverti sa naznakom na koverti „Prijava na javni poziv ... NE OTVARAJ“
- d) Koji ne dostave projekat ovjeren i potpisan od strane podnosioca, i to na propisanom obrascu
- e) Koji dostave projekte usmjerene na oblasti suprotno onima koje su određene u Javnom pozivu

- f) Koji dostave više od jednog projektnog prijedloga
- g) Za već završene projekte (izuzev ako se radi o započetim, a nezavršenim projektima koji su planirani u fazama)
- h) Ukoliko se podaci iz dostavljene dokumentacije ne slažu sa dostavljenim projektnim prijedlogom i/ili budžetom projekta

III NAČIN I ROK ZA PODNOŠENJE PRIJAVE

Obrazac za prijavu projekta sa budžetom i obavezna dokumentacija, trebaju biti dostavljeni na način da su isti uvezani. Prijave sa obaveznom dokumentacijom se dostavljaju direktno na protokol organa ili putem pošte u zatvorenoj koverti sa naznakom na koverti „Prijava na javni poziv za dodjelu sredstava iz oblasti vatrogastva za projekte DVD i Vatrogasnog saveza ZDK – NE OTVARAJ“

Rok za podnošenje prijave na javni poziv je 15 dana od dana objave poziva.

Prijave dostavljene nakon isteka utvrđenog roka vraćaju se aplikantu neotvorene, sve ostale prijave zajedno sa pratećom dokumentacijom ne vraćaju se aplikantu.

IV OCJENA PRIJAVE

Dostavljene prijave na Javni poziv razmatra komisija od 3 člana koju rješenjem imenuje direktor Uprave. Komisija vrši:

- a) Analizu ispunjenosti formalno – pravnih uslova aplikanta, odnosno provjeru blagovremenosti prijave i kompletne dokumentacije dostavljenih u prijavi
- b) Provedbu procesa bodovanja prijave koje ispunjavaju formalno – pravne uslove,
- c) Izradu izvještaja o provedenom postupku po javnom pozivu za dodjelu sredstava sa prijedlogom liste uspješnih projekata, kojeg putem protokola dostavljaju direktoru Uprave.

Broj bodova koji čini ukupnu ocjenu projektnog prijedloga sastoji se od zbira pojedinačnih bodova utvrđenih u posebnim kriterijima.

Pri razmatranju projektnih prijedloga Komisija zadržava pravo zatražiti dodatna pojašnjenja o projektu od aplikanta.

V OBAVJEŠTENJE O DISKVALIFIKACIJI, PRIGOVOR I UTVRĐIVANJE KONAČNE LISTE USPJEŠNIH PROJEKATA

Aplikanti koji ne ispunjavaju formalno – pravne uslove i ne nalaze se na predloženoj listi uspješnih projekata za finansiranje, biće o tome pisano obavješteni od strane Komisije.

Protiv navedene obavijesti aplikanti mogu podnijeti prigovor Upravi u roku od 3 dana od dana prijema obavijesti. O prigovoru odlučuje direktor. Odluka o prigovoru je konačna.

Nakon dostavljenog izvještaja Komisije sa prijedlogom liste uspješnih projekata, direktor utvrđuje konačnu rang listu projekata, koju objavljuje na web stranici Uprave

VI ZAKLJUČENJE UGOVORA I NADZOR NAD KORIŠTENJEM SREDSTAVA

Sa aplikantima čije prijave budu odabrane za finansiranje zaključit će se Ugovor kojim će se odrediti uslovi i način korištenja dodjeljenih sredstava, način praćenja namjenskog korištenja dodjeljenih sredstava, dokumentacija koju je korisnik sredstava obavezan dostaviti Upravi, rok važenja ugovora, te ostala međusobna prava i obaveze korisnika sredstava i Uprave.

Dodjeljena sredstva, po donošenju Odluke od strane Vlade doznačuju se na račune korisnika.

VII OPĆE ODREDBE

Za sve dodatne informacije zainteresirana lica mogu se obratiti do 5 dana prije zatvranja javnog poziva, i to putem maila kucz@zdk.ba.

Obrazac „Projektni prijedlog za dodjelu sredstava iz oblasti vatrogastva za projekte DVD i Vatrogasnog saveza ZDK „ nalazi se na web stranici Uprave www.cz.zdk.ba

Dostavljeno:

1. Vatrogasni savez ZDK
2. a/a

D I R E K T O R

Džavid Aličić dipl.ing.maš.